



REPUBLIKA E SHQIPËRISË
BASHKIA POGRADEC
KËSHILLI

Nr. 3850/Prot.
17

Pogradec, më 04 .11 .2025

VENDIM

NR. 100 , DATË 31 .10 .2025

MBI

**RISHQYRTIMIN E VENDIMIT NR. 86, DATË 25.09.2025, "PËR
MIRATIMIN E RREGULLORES SË FINANCIMIT TË PROJEKTEVE
KULTURORE, ARTISTIKË DHE SPORTIVË", I KTHYER ME SHKRESËN
E PREFEKTIT TË QARKUT KORÇË NR. 900/1 PROT, DATË 08.10.2025,
ME LËNDË, "MBI BAZUESHMËRINË LIGJORE TË AKTEVE TË
KËSHILLIT".**

Në mbështetje të; nenit 113 të Ligjit Nr. 8417, datë 22.11.1998, "Kushtetuta e Republikës së Shqipërisë", i ndryshuar; shkronjës "k" të nenit 54 të Ligjit Nr.139/2015 "Për vetëqeverisjen vendore", i ndryshuar; Ligjit Nr.8480, datë 27.5.1999, "Për funksionimin e organeve kolegjiale të administratës shtetërore dhe enteve publike"; Ligjit Nr.9901, datë 14.4.2008, "Për tregtarët dhe shoqëritë tregtare", i ndryshuar; Ligjit Nr. 44/2015, "Kodi i Procedurave Administrative të Republikës së Shqipërisë"; Ligji Nr. 79/2017 "Për sportin"; Vendimit të Këshillit të Ministrave Nr.540, datë 21.12.1992, "Për krijimin e këshillave të kulturës dhe shpërblimin e tyre", i ndryshuar me Vendimin e Këshillit të Ministrave Nr.121, datë 25.2.2005, "Për disa shtesa dhe ndryshime në Vendimin Nr.540, datë 21.12.1992 të Këshillit të Ministrave "Për krijimin e këshillave të kulturës dhe shpërblimin e tyre", si dhe në zbatim të Vendimin të Këshillit të Bashkisë Pogradec Nr. 109, datë 02.12.2021, "Për themelimin e shoqërisë "Qendra Multifunksionale Pogradec sh.a" dhe miratimin e aktit të themelimit", Vendimit të Këshillit të Bashkisë Pogradec Nr.110, datë 02.12.2021, "Për miratimin e statutit të shoqërisë "Qendra Multifunksionale Pogradec sh.a", të konfirmuar nga Prefekti i Qarkut Korçë me shkresën Nr. 1196/1 prot, datë 14.12.2021, me propozim të shoqërisë Qendra Multifunksionale Pogradec Sh.a dhe Kryetarit të Bashkisë në cilësinë e Asamblesë së Përgjithshme, Këshilli i Bashkisë, pasi vlerësoi se vendimi i kthyer cenon interesat e bashkësisë, pasi subjektë të rregullores persona juridike dhe fizike,

VENDOSI:



1. Të miratojë rregulloren e financimit të projekteve kulturorë, artistikë dhe sportive, sipas tekstit bashkëngjitur këtij vendimi.
2. Të ngarkohen për zbatimin e këtij vendimi, Administrata e Bashkisë Pogradec, Këshilli Artistiko – Kulturor, dhe Administrata e Shoqërisë, Qendra Multifunksionale Pogradec Sh.a.
3. Vendimi të hyjë në fuqi 10 ditë nga data e shpalljes.
4. U shpall sot më datë 31.10.2025.

KRYETARE E KËSHILLIT

Manjola KAMOLLI



1.Miratuar me 25 vota

2.Vota Pro 25

3.Vota Kundër 0

4.Vota Abstenim 0

5.Zbardhur më date 04.11.2025



REPUBLIKA E SHQIPËRISË

BASHKIA POGRADEC

RREGULLORE

PËR KRITERET DHE PROCEDURAT E DHËNIES SË TITUJVE TË NDERIT SI DHE VENDOSJES SË EMËRTESAVE TË RRUGËVE, SHESHEVE, TERRITOREVE, INSTITUCIONEVE DHE OBJEKTEVE NË JURIDIKSIONIN E BASHKISË POGRADEC

Neni 1

Baza ligjore

Kjo rregullore hartohet në mbështetje të nenit 113/1 shkronja “dh”, “Kushtetuta e Republikës së Shqipërisë”, i ndryshuar, nenit 8, pika 2, nenit 9, pika 1, nënpika 1.1, shkronjat “b” dhe nënpika 1.7 shkronja “a”, dhe “b”, nenit 54 shkronja “ll” dhe shkronja “m”, dhe nenit 55, pikat 2 dhe 6, të ligjit nr.139/2015 “Për vetëqeverisjen vendore”, të ndryshuar, Ligjit Nr. 93/2022 “Për dekoratat në Republikën e Shqipërisë”, ligjit nr. 94/2022 “Për titujt e nderit dhe titujt vendorë të nderit në Republikën e Shqipërisë”, nenit 3 të ligjit nr. 9270, datë 29.07.2004 “Për sistemin e adresave”, të ndryshuar, VKM nr 861 datë 10.02.2014 “Për miratimin e rregullave të hollësishme për funksionimin e komisioneve këshillimore për dhënien e Medaljeve dhe Titujt Vendorë të Nderit në Republikën e Shqipërisë”,

Neni 2

Qëllimi

Kjo rregullore ka për qëllim vendosjen e kriterëve dhe procedurës që duhet ndjekur për përcaktimin e dhënien e titujve të nderit dhe për emërtimin e rrugëve, shesheve, territoreve, institucioneve dhe objekteve në juridiksionin e Bashkisë Pogradec.

Neni 3

Parime të përgjithshme

1. Dhënia e titujve vendorë të nderit, udhëhiqet nga parimi i nderimit publik dhe i vlerësimit të kontributit, transparencës dhe mirënjohjes publike
2. Përfitimi i një titulli nderi nuk është një e drejtë dhe nuk mund të kërkohej si e tillë, në rrugë individuale apo institucionale.
3. Personi që ka marrë një dekoratë nga Presidenti i Republikës nuk mund të përfitojë më vonë në kohë një titull nderi, medalje apo titull vendor nderi.
4. Dhënia e titullit vendor të nderit nuk shoqërohet me shpërblim financiar.
5. Rrugët, sheshet, territoret, institucionet dhe objektet në juridiksionin e Bashkisë Pogradec mund emërtohen me emra të personaliteteve të shquara në nivel kombëtar e lokal ose të huaja me kontribut në promovimin e interesave të Bashkisë Pogradec ose të Kombit Shqiptar si dhe ngjarje historike.
6. Personat dhe institucionet që marrin tituj duhet të jenë korrektë në perputhje me ligjin për pastërtinë e figurave.



Neni 4 Subjektet përfituese

1. Titujt e nderit u jepen shtetasve shqiptarë ose të huaj, të cilët kanë një kontribut të shquar në dobi të kombit shqiptar apo komunitetit të Bashkisë Pogradec, në fushat e ndryshme të jetës: historike, patriotike, kulturore- artistike, sportive, muzikore, humanitare, etj.
2. Nuk u jepen tituj vendor nderi personat që kanë qënë bashkëpunëtorë të ish Sigurimit të Shtetit.

Neni 5

Llojet e titujve vendor të nderit dhe përshkrimi i tyre

Titujt vendorë të nderit jepen nga Këshilli Bashkiak dhe Kryetari i Bashkisë respektivisht.

I . Këshilli Bashkiak jep këto tituj vendorë :

• Qytetar Nderi

1. Jepet për veprimtari të shquar , kontribute dhe merita të veçanta në shërbim dhe në dobi të Bashkisë ose për veprimtari për mbrojtjen dhe promovimin e interesave të komunitetit brenda territorit të Bashkisë.
2. Personaliteteve të huaja të nivelit të lartë , që vizitojnë Bashkinë në kuadër të një vizite zyrtare ose shtetërore .

• Titull i veçantë vendorë i nderit

1. Këshilli i Bashkisë ka të drejtë të krijojë dhe të japë jo më shumë se 2 (dy) tituj të vecantë vendorë nderi në një vit kalendarik, për të shprehur mirënjohjen e posacme për veprimtarinë e shquar në dobi të komunitetit të saj.
2. Titujt e veçantë vendorë të nderit krijohen me vendim të njësisë së vetëqeverisjes vendore, i cili përmban:
 - a) Nevojën për nderimin e veçantë;
 - b) Arsyen përse nderimi me titullin "Qytetar Nderi", sipas pikës 9 të ligjit nr.94/2022, nuk është i përshtatshëm dhe i mjaftueshëm dhe shtetasi i propozuar për nderim duhet dalluar nga shtetasit e tjerë;
 - c) Emërtesën e titullit të vecantë vendor të nderit, i cili përkon me një datë ose ngjarje të shënuar në territorin e njësisë së vetëqeverisjes vendore.

• Krenaria e Qytetit

1. Jepet nga Këshilli Bashkiak për kontribute në dobi të bashkësisë qytetare, që kanë lënë gjurmë në Bashkinë Pogradec , nderojnë qytetin dhe më gjërë

• Mirënjohja e Qytetit

1. Jepet nga Këshilli Bashkiak për kontribute në fushat e ndryshme të jetës: kulurore-artistike , historike , sportive, humanitare etje.



- **Çelsi i Qytetit**

1. Personaliteteve të huaja dhe shqiptarë që vizitojnë zyrtarisht Bashkinë Pogradec.
2. Personaliteteve të larta të vendit , President , K/Ministër në rast të një vizite posacërisht në Bashkinë Pogradec.

- **E ardhmja e qytetit**

1. Ky titull u akordohet të gjithë të rinjve të shquar brënda dhe jashtë vendit në fusha të ndryshme. Nxënësve apo studentëve që mbarojnë me medalje të Artë shkollën e mesme dhe studimet e larta Universitare.

Neni 6

Autoriteti përgjegjës , e drejta e nismës dhe propozimit për dhënien e titujve të nderit.

Autoriteti përgjegjës për dhënien e titujve vendorë të nderit si dhe emërtesat e rrugëve, shesheve, territoreve, institucioneve dhe objekteve në juridiksionin e Bashkisë Pogradec është Këshilli Bashkiak.

1. Propozimi për dhënien e titujve vendorë të nderit paraqiten nga :
 - a) Kryetari i Bashkisë
 - b) Çdo anëtar i Këshillit Bashkiak
 - c) Prefekti i Qarkut
2. Propozimi për dhënien e emërtesave të rrugëve, shesheve, territoreve, institucioneve dhe objekteve në juridiksionin e Bashkisë Pogradec mund të bëhet nga :
 - a) Çdo anëtar i Këshillit Bashkiak.
 - b) Kryetari i Bashkisë.
 - c) Prefekti i Qarkut
 - d) Institucione shtetërore
 - e) Komunitete/organizata/biznese

Neni 7


Kërkesa për ushtrimin e nismës ose propozimit për nderim

1. Organet e përcaktuara në Nenin 6 të kësaj Rregullore mund t'i ushtrojnë të drejtat e tyre të nismës dhe propozimit edhe duke u mbështetur në kërkesat eparaqitura nga personat fizikë e juridikë, privatë ose publikë, për këtë qëllim, sipas parimeve dhe kriterëve të Ligjit nr 94/2022.
2. Çdo person fizik e juridik, privat ose publik, ka të drejtë të paraqesë kërkesën për ushtrimin e së drejtës së nismës ose propozimit për një shtetas të caktuar në një nga institucionet që e ka këtë të drejtë sipas Nenit 6 të kësaj Rregullore. Në këtë rast kërkesa duhet të arsyetojë edhe shkaqet për të cilat kërkohet ushtrimi i së drejtës së nismës ose propozimit. Kërkesa nuk mund të paraqitet për nderimin e vetvetes.
3. Institucioni pranë të cilit është paraqitur kërkesa për ushtrimin e së drejtës së nismës ose propozimit, pas shqyrtimit të saj, vendos për pranimin ose refuzimin e kërkesës.

Neni 8

Kriteret për emërtimin e adresës

- 1- Çdo bulevard, rrugë, shesh, park ose institucion ka vetëm një emër të caktuar.



ose park me të njëjtin emër.

- 3- Bulevardet, rrugët, sheshet ose parqet mbajnë emrin e caktuar në të gjithë gjatësinë e tyre.
- 4- Lejohet emërtimi i bulevardeve, rrugëve, shesheve për persona, vetëm pas vdekjes, në këtë rast propozimi shqyrtohet pasi të jetë marrë dhe miratimi nga ana e familjarëve e të ndjerit
- 5- Nuk lejohet emërtimi i rrugëve, shesheve, bulevardeve, rrugicave, parqeve, institucioneve për persona që kanë qenë bashkëpuntorë të ish-sigurimit të shtetit.

Neni 9

Procedura e propozimit dhe dokumentacioni shoqërues për emërtimet dhe adresat

- 1- Propozimi për emërtime dhe riemërtime duhet të bëhet në formë të kërkesës zyrtare nga subjektet që kanë të drejtën e propozimit sipas nenit 6 të kësaj rregulloreje duke iu drejtuar Këshillit Bashkiak Pogradec.
- 2- Kërkesa duhet të përmbajë vullnetin e komunitetit të caktuar të shprehur nëpërmes nënshkrimeve.
- 3- Kërkesa duhet të vijë e arsyetuar dhe të përmbajë CV apo historikun për individin apo ngjarje.

Neni 10

Propozimi për nderim dhe dokumentacioni shoqërues për titujt

1. Propozimi për nderim pranë institucionit përgjegjës për dhënien e titullit përkatës duhet të dërgohet jo më vonë se 90 ditë kalendarike përpara datës së propozuar për dhënien e titullit në sekretarinë e Këshillit Bashkiak, me përjashtim të rasteve të veçanta kur respektimi i këtij afati është bërë objektivisht i pamundur
2. Propozimi për nderim përmban:
 - a) institucionin propozues;
 - b) bazën ligjore për propozimin;
 - c) të dhëna identifikuese të shtetasit të propozuar për nderim;
 - ç) lidhjen ndërmjet institucionit dhe shtetasit të propozuar për nderim;
 - d) veprimtarinë e kryer nga shtetasi i propozuar për nderim, si dhe arsyet e hollësishme për nderimin e tij;
 - dh) llojin e titullit të propozuar;
 - e) informacione, shoqëruar me dokumentacionin provues, që vërtetojnë përmbushjen e kriterëve përkatës për nderim, sipas përcaktimeve të këtij Ligjit 94/2022.
 - ë) informacionin se shtetasi i propozuar për nderim nuk është dënuar me vendim gjyqësor të formës së prerë për kryerjen e një veprë penale, si dhe nuk është nën hetim ose gjykim për një vepër penale nga organet përgjegjëse;
 - f) të dhënat për dekorime ose nderime të mëparshme të shtetasit të propozuar.
 - g) Materiale dokumentuese që dëshmojnë për arritjet e personalitetit gjatë jetës së tij, si certifikata, diploma, etj., të cilat ndihmojnë këshilltarët të kenë një informacion më të plotë të propozimit për dhënien e titullit apo çdo element tjetër të nevojshëm për verifikimin dhe plotësimin e kriterëve përkatës për nderim.
 - h) Miratimin/ dakortësinë e personit të propozuar.



të përmbledhur i cili mund të rishqyrtohet nga komisioni këshillimor

Neni 11 **Komisioni këshillimor**

1. Komisioni këshillimor përbëhet nga 5 (pesë) anëtarë, ku 3 (tre) anëtarë janë punonjës nën varësinë e institucionit përgjegjës për dhënien e titullit dhe 2 (dy) anëtarë janë personalitete të jashtme.
2. Institucioni përgjegjës për dhënien e titullit i dërgon Komisionit Këshillimor për shqyrtim të gjitha nismat për nderim, të bëra kryesisht ose nga institucionet që kanë të drejtë të ushtrojnë të drejtën e propozimit.

Neni 12 **Shqyrtimi paraprak i propozimit**

1. Sekretaria e Këshillit të Bashkisë propozimin për titullin vendor të nderit brenda 5 ditëve kalendarike ja përcjell për shqyrtim Komisionit Këshillimor për Titujt Vendor të Nderit.
2. Komisioni Këshillimor për dhënien e titujve vendor të nderit në Bashkinë Pogradec verifikon nëse akti i propozimit përmban të gjitha elementët e procedurës dhe dokumentet shoqëruese.
3. Në përfundim të verifikimit paraprak, Komisioni Këshillimor:
 - a) vendos për vijimin e shqyrtimit të nismës ose të propozimit;
 - b) i kërkon propozuesit që ka ndërmarrë nismën kryesisht ose institucionit propozues plotësimin e të metave të propozimit për nderim.
 - c) dërgon pranë institucionit përgjegjës për dhënien e titullit mendimin për mospranimin e propozimit kur ai është paraqitur jashtë afatit të përcaktuar.

Neni 13 **Shqyrtimi i propozimit**

1. Komisioni këshillimor brenda 30 (tridhjetë) ditëve nga marrja e vendimit për vijimin e shqyrtimit të propozimit ose nga plotësimi i të metave të tij, shqyrton dhe dërgon mendimin për përmbushjen ose jo të kriterëve për nderim.
2. Krahës informacionit dhe dokumentacionit të paraqitur në nismën ose propozimin për nderim, Komisioni kërkon informacione ose dokumentacion shtesë nga shtetasi i propozuar për nderim, si dhe nga çdo person fizik ose juridik apo organ publik, vendas ose i huaj, që disponon të dhëna të vlefshme për shqyrtimin e plotë të nismës ose të propozimit.
3. Në çdo rast, komisioni çmon, sipas bindjes së tij, se cilat fakte konsiderohen të provuara bazuar në parimet e përcaktuara në rregullore, në vlerësimin e hollësishëm të informacioneve dhe dokumentacioneve në dispozicion, si dhe në rezultatin tërësor të shqyrtimit, duke hartuar për këtë qëllim raportin përkatës.
4. Procesi i shqyrtimit të nismës ose propozimit mund të shtyhet për shkak të rrethanave të paparashikuara, që dëmtojnë reputacionin dhe vlerën e aktit të nderimit në opinionin publik, deri në sqarimin e këtyre rrethanave.



[Handwritten signature]

Mendimi i komisionit

1. Në përfundim të shqyrtimit, komisioni i dërgon institucionit përgjegjës për dhënien e titullit mendimin e arsyetuar për:
 - a) miratimin e nismës ose propozimit;
 - b) refuzimin e nismës ose propozimit për shkak të mosplotësimit të të metave brenda afatit kohor ose për shkak të mospërmbushjes së kriterëve sipas këtij ligji.

Neni 15

Vendimmarrja për propozimin

Miratimi ose refuzimi i propozimit bëhet me:

1. Vendim të Këshilli Bashkiak i cili është autoriteti përgjegjës për miratimin ose jo të propozimit për dhënien e titullit të nderit.
2. Votimi për dhënien e titujve të nderit mund të bëhet i fshehtë sipas përcaktimeve Ligjore
3. Në çdo rast vendimmarrja për propozimin u njoftohet institucionit propozues dhe komisionit këshillimor.
4. I njëjti propozim nuk mund të bëhet pa kaluar 2 (dy) vjet nga njoftimi për refuzimin e tij.

Neni 16

Heqja e titujve

Heqja e titujve dhe titujve vendorë të nderit bëhet:

1. me vendim të formës së prerë të dhënë nga gjykatat shqiptare, kur është dhënë si dënim plotësues sipas përcaktimeve në Kodin Penal;
2. me vendim të institucionit përgjegjës për dhënien e titullit vendor të nderit kur mbajtësi i tij:
 - a) është dënuar me vendim gjyqësor të formës së prerë për kryerjen e një vepre penale;
 - b) është shpallur “person i padëshiruar” sipas përcaktimeve të legjislacionit që rregullon regjimin e hyrjes e të qëndrimit të të huajve në Republikën e Shqipërisë.

Neni 17

Çertifikata e akordimit të titullit

1. Çertifikata për akordim titujve është e formatit A4 dhe shoqërohet me simbolet e qytetit.
2. Çertifikatat për titujt e aprovuar nga Këshilli Bashkiak nënshkruhet nga Kryetari i Këshillit Bashkiak dhe vuloset me vulën e Bashkisë Pogradec .
3. Çertifikatat për titujt e aprovuar nga Kryetari i Bashkisë nënshkruhet nga Kryetari dhe vuloset me vulën e Bashkisë Pogradec .

Neni 18

Ceremonia e dhënies së titullit

1. Ceremonia e dhënies së titullit organizohet nga institucioni propozues në bashkëpunim me sekretarinë e Këshillit Bashkiak.



3. Titujt e nderit e jep kryetari i Këshillit Bashkiak ose persona te autorizuar nga ai si dhe Kryetari i Bashkisë (për titujt e aprovuar prej tij)
4. Titulli i nderit i jepet personit te cilit i akordohet. Në rast dhënie titulli pas vdekjes, titulli i jepet familjareve të personit.
5. Si rregull , dhënia e titulli duhet të jetë e lidhur me përvjetorë e ngjarje të rëndësishme historike , kulturore si dhe me festat kombëtare.

Neni 19

Evidentimi i titujve te nderit

1. Të gjithë titujt që jepen nga Keshilli Bashkiak evidentohen në një regjistër të vecantë, i cili administrohet nga sekretaria e Këshillit Bashkiak.

Neni 20

Hyrja ne fuqi

1. Kjo rregullore hyn në fuqi mbas aprovimit nga Këshilli Bashkiak

